

## **Claudii Fleurii Abbatis Historia Ecclesiastica**

Ab anno Christi 1589. usque ad annum 1595 - Una Cum Criticis R.P.  
Honorati A S. Maria Carmel. Discalc. Observationibus In Historiam  
Ecclesiasticam Abbatis Fleurii

**Fleury, Claude**

**August. Vind. [u.a.], 1772**

**VD18 90118669**

§. 44. Supplicationes durante Parisina obsidione a foederatis habitæ.

---

[urn:nbn:de:hbz:466:1-67252](#)

procurabat, quamvis foederatorum Duces nimia hujus Principis facilitate abutentes eundem in Regem proclamare satagebant, eo fine, ut Regem habent, qui regium quidem nomen teneret, ipsi vero eidem dominarentur, hacque ratione Henricum Borbonum ejus Nepotem a Regno excluderent, cuius tamen victima ipsemet cecidit, atque corpus ejus sepultum est Gaillonii in Carthusianorum cœnobio, quod ipsemet construi fecit: porro hodie dum in variis Musæis monetæ aureæ, & argenteæ præcussæ monstrantur, quæ hujus Cardinalis nomen unacum regio titulo præferunt.

Sæcul. XVI.

A.C. 1590.

## §. XLIV.

*Supplicationes durante Parifina obfidence a fœderatis habitæ.*

Quamvis hujus Cardinalis obitu fœderatorum, ac præcipue Parisiensium res plurimum turbandæ credentur, nihilominus Nemorius Dux horum animos dextre erigebat, decreta solemnni supplicatione, qua magis insolita, ac ferme comica vix unquam instituta fuit, nam in ea supplicatione Guilielmus Rosa Episcopus Silvaticensis, & Carthusianorum Prior, dextera Crucem, læva autem hastam tenebant, & tanquam præcipui, pri-

*Thu. Mem.  
de l'Etoil.  
t 2. p. 11.  
Davit. t. IX.*

*Hist. Eccles. Tom. LI. F mique*

Sæcul. XVI.  
A.C. 1590.

mique hujus scenæ choragi, & strenui Machabæi, sic enim se appellari gaudebant, primos ordines ducebant: dein vero sequebantur Patres Capuccini, Fulientes, Minimi, Franciscani, Dominicani, & Carmelitæ, succincti omnes, & cuculla supra humeros rejecta præterea eorum quidam in capite galbam, ac in pectore thoracem gestabant, alii clypeis, & pugionibus, alii hastis, sclopis, aliisque armis rubiginofis ad certamen, vel defensionem parum idoneis muniti comparebant: porro Seniores primi incedebant, torvo vultu, rubentibus oculis, aprugnis dentibus, totoque corporis gestu minas, & militarem fastum scenica simulatione referentes: his succedebant juniores eodem habitu, sclopetis armati, quæ plerumque in obvios inconsiderata temeritate displodebant, eorumque ictu unus e Legati domesticis, dum otiosus spectat, prope illius currum interfactus est, quocirca hic Præful quantocius secesserat: præprimis vero omnium oculos in se convertebat Bernardus e Fulientium ordine adhuc juvenis, qui nuper Henrico III. Regi a concionibus in Parisina urbe ob suos sermones celebris erat, vulgo dictus *parvus Fuliacensis*. Hic altero pede claudus nusquam certo loco consistens, sed hoc illuc cursitans, modo

in

in fronte, modo in agminis hujus tergo **Sæcul. XVI.**  
 latum ensem ambabus manibus rotabat, **A.C. 1590.**  
 & claudicationis vitium gladiatoria mo-  
 bilitate emendabat, ac quandoque pri-  
 mum, mox postremum agmen novæ  
 hujus militiæ ex plusquam ducentis Ec-  
 clesiasticis partim sæcularibus, partim  
 Regularibus compositæ obequitabat:  
 porro Hamiltonius Parochus ad sanctum  
 Cosmam unacum ceteris hoc agmen  
 instruxerat: religiosi autem, qui ex re-  
 ditibus vivunt, quales sunt Benedictini  
 ad sanctum Germanum de Pratis, Ca-  
 nonici Regulares sancti Victoris, &  
 sanctæ Genovevæ, Cælestini, aliique  
 huic supplicationi non intererant, inter-  
 rim ceteri vexillum, in quo Christi  
 Crucifixi, & Beatæ Virginis imago erat  
 depicta, præferebant. Totum hoc sup-  
 plicantium agmen per Parisinæ Urbis  
 plateas studiose ad gravitatem compo-  
 sito vultu incedebat, ac subinde sub-  
 sistens quandoque antiphonas, & can-  
 tica resonantibus sclopetis decan-  
 tabat, ac saepius hæc divi Jobi ver-  
 ba repetebat: *vita hominis militia est  
 super terram*, cujus tamen militiæ se præ-  
 mium in cælis reportaturos ajebant.

### §. XLV.

*Parisensis civitatis suburbia a Rege  
 invasa.*

F 2

Cum